



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

De Creatione Prioris Et Conventvs.

urn:nbn:de:hbz:466:1-13578

bus iuribus & attinentiis suis, ipsi loco & fratribus præsentibus & futuris ex certa scientia confirmamus, & tam locum ipsum quam fratres cum bonis habitis & habendis in tuitionem & protectionem recipimus spiritualem. In quorum omnium & singulorum euident testimonium roburque perpetuum præsentibus literas memorato loco tradidimus, sigillo nostro, nec non antedicti fidelis nostri *Reinmar de Prennberg* sigilli munimine roboratas. Actum & Datum *Ratisbonæ*, Anno Domini M. CCC. XXIV. Calendas. Februarij.

NOS *Walterus* Dei gratia *Thuronensis* Ecclesiæ Episcopus, Vniuersis præsentibus literas inspecturis, salutem in Domino sempiternam. Nouerint vniuersi, quod nos de licentiis & consensu Reuerendi in Christo Patris & Domini, Domini *Nicolai* Venerabilis Episcopi *Ratisponensis*, qui nos in suffraganeum suum, matura deliberatione præhabita elegit: Consecrauimus CELLAM BEATÆ VIRGINIS, IN SCHOPFLOCH, ad instantiam Domini *Reinmari de Prennberg*, & fratrum dictæ Celle. Insuper omnibus dictam Ecclesiam frequentantibus in festo Corporis Christi, & singulis festiuitatibus B. Virg. nec non in die Dedicacionis dictæ Ecclesiæ, sancti Michaelis, ac sancti Benedicti, & omnium Sanctorum, atque per octauas dictarum solemnitatum, de omnipotentis Dei munificentia, & Beatorum Apostolorum *Petri & Pauli*, quadraginta dies criminalium, & octoginta venialium in Domino misericorditer relaxamus. Datum & actum in *Schopfloch*. ANNO Domini 1325. pridie Nonas Augusti.

DE CREATIONE PRIORIS ET CONVENTVS.

FRIDERICVS Dei & Apostolicæ sedis gratia Episcopus Ecclesiæ *Ratisponensis*. Vniuersis ac singulis Christi ac Christianæ Ecclesiæ orthodoxæ fidelibus, ad quos præsentibus peruenerint, aut quorum interest, ac interesse poterit in futurum, salutem in Domino sempiternam. Claret Pontificis sincera deuotio, & splendidi irradiatur operibus, cum ex ipsius officij potentia, monasteria seu alia pia loca Deo dicantur de nouo eriguntur, reguntur, ac in melius reformatur, in quibus sacra viget religio, ac Regi Regum, Domino Dominantium per Christi fideles assidue militantibus, quotidie famulantur, ex quo Christi fideles sibi futuris temporibus thesaurum inestimabilem, æterna remunerationis præmia & fruitionem beatitudinis consequuntur. Cum ergo temporibus præteritis *REINMARVS DE PRENNBERG*, intuitu pietatis, & ob remedium animæ suæ *Celle B. Mariæ* situatæ in loco, qui vulgariter *Schopfloch* nuncupatur, tradidit & donauit pro perpetua hæremetica mansione, vnius sacerdotis & trium & quatuor Conuersorum, titulo perpetuæ proprietatis, Aream illam, in qua est sita Cella prædicta, cum agris, agricultura, eidem areæ pertinentibus, pro vno arato sufficientibus, communiter excolendis, nec non pascua & ligna eidem areæ, & hominibus & habitatoribus eiusdem Celle pro conuenienti & necessaria sustentatione sufficientibus quibuslibet perpetuis temporibus & futuris. Cui etiam Celle quidam Conuersus eiusdem loci *Gottfridus* nomine, ex postfacto donauit titulo prædicto, quandam Curiam dictam in *GEHAY*, soluentem singulis annis quatuor schaffas filiginis: & quatuor Schaffas venæ *Ratisponensis*.

Ratisponen. Quam quidam Cellam pro vita heremitica ordinata, ut prædicitur, & fundationem ad preces eorundem inchoatam, Reuerendus in Christo Pater recolendæ memoriæ, Dominus *Nicolaus Ratisponensis* Ecclesiæ Episcopus prædecessor noster, immediatus sua auctoritate ordinaria confirmavit & de consensu Capituli censuit confirmandam, prout in eis literis super eo editis euidentius continetur. Cumque amplioris temporis in progressu strenuus Vir FRIDERICVS AVER DE PRENNBERG fidelis noster dilectus & pio zelo ductus, cupiens diuini nominis seruitium siue cultum suo posse incessanter augere, Cellæ memoratæ, titulo proprietatis prædictæ tradidit, & addendo titulo donationis donauit, possessiones & proprietates infra scriptas, prout de jure ac facto hoc melius facere potuit, pro se, & pro suis hæredibus vniuersis, & possessionem corporalem earundem proprietatum, Cellæ præfatæ ac eius Priori & Conuentui solutam & liberam tradendo & omnimodè assignando. Quæ quidem possessiones sunt istæ videlicet, 24. Schaffas siliginis & 16. Schaffas venæ, & cetera prædia maiora & minora, prout in originali continentur, petens & nostri officij debitum implorans cum fiducia humiliter & deuotè, quatenus ad hoc ut diuini cultus exercitium in populo Christiano salubriter augetur, nostrâ auctoritate ordinaria sæpè dictam Cellam Schopfloch dignaremur in Monasterium monachorum S. BENEDICTI erigere PRIOREM prælatum in eo constituere & CONVENTUM ibidem creare, jura, honores & statum Collegij, secundum priuilegia consuetudinis & traditionis alterius Monasterij & Regulæ S. *Benedicti* constitutæ & constitutum auctoritate ordinaria approbare nostris ac Capituli nostri literis roborare & perpetuò remanfurum, DEO dicere, sub ea videlicet forma, quod Monasterium, Cellæ prædictum, nunc & in antea per vnum Priorem prælatum ibidem à Conuentu cuiuslibet Monasterij eiusdem creandum, ac nos & successores nostros *Ratisponenses* Episcopos, quibuslibet futuris temporibus confirmandum, ad minus cum quinque Monachis Conuentualibus actu Sacerdotibus existentibus illic continuo degentibus & DEO famulantibus, & non paucioribus perpetuò gubernetur. Et quod nunc Dominus Abbas *Altahe superioris* & ipsius successores vniuersi in eodem Monasterio *Cella*, eo jure seu possessionis commodo vtantur pacificè & fruantur, ut ipsi immediatè post nos & successores nostros *Ratisponenses* Episcopos, perenniter, & quibuslibet temporibus futuris, quantum spectat ad obseruantiam & traditionem obseruantie Regulæ prænotatæ intendant & intendere debeant siue possint, reformationem, correctionem, emendationem morum & vitæ, contra singulas personas Monasterij sæpè dicti conuenienter, quando & quantum hoc fuerit oportunum, juxta doctrinam & tenorem Regulæ præfatæ semper nobis & successoribus nostris, in omnibus & per omnia nostra auctoritate ordinaria, in dicto Monasterio & personis eiusdem, tanquam capiti seu capitibus, inuiolatam, integram, saluam & illæsâ manente, cui per præmissa nolumus in aliquo derogari. Nos ergo cupientes proni ad gratiam inueniri maximè ab his, qui eam tanquam esse debitam student propriis meritis vendicare, attendentes itaque grata seruitia, quæ nobis & Ecclesiæ nostræ præfatus FRIDERICVS AVER impendit & adhuc impendere poterit gratiora Christianis partibus inclinati,

super

super omnibus præmissis, deliberatione præhabita diligenti requisito super his & obtento totius nostri Capituli *Ratisponensis* consensu, consilio, beneplacito pariter & assensu. De omnipotentis Dei gratia & Auctoritate nostra, ordinaria à supremo motore nobis tradita & præfatam Cellam Beatæ Mariæ in *Schopfloch*, inuocata Spiritus sancti gratia, in Monasterium, Conuentuale cum omnibus honoribus, iuribus & libertatibus, ex priuilegio & obseruantia Ordinis sancti *Benedicti* competentibus ac competere valentibus de iure vel factò, ordinamus, facimus constituimus, creamus, & creando erigimus & DEO dicamus, seu nos ipsum constituisse, creasse, & ordinasse, ignoscimus, ob honorem omnipotentis & Virginis gloriosæ perpetuo mansurum, sub modo, forma & Regula, ac obseruantis supernis annotatis, & præscriptas possessiones per Christi fideles dicto loco pietatis zelo huc vsque donatas & superius expressas ac alias quascunque in posterum eisdem Priori & Conuentui, per quoscunque fideles iusto titulo donaturas seu collaturas eiusdem Cellæ solita pietate nostra auctoritate ordinaria, prout eis ritè & rationabiliter sunt indultæ, traditæ & concessæ, ac in posterum indulgebuntur seu donabuntur, innouamus, confirmamus, approbamus, ratificamus & præsentis scripti patrociniò communimus & roboratas esse ostendimus. Dantes has litteras nostri sigillorum appensione legitime consignatas in euident testimonium super eo. Datum *Ratisponæ* Anno Domini Millesimo Trecentesimo LI. Indictione III. feria secunda post Ascensionem Domini.

ANNO Domini Millesimo Trecentesimo vigesimo quinto, pridie Nonas Augusti, consecrata est Ecclesia, Cella Beatæ Mariæ Virginis in *Schopfloch*, à venerabili *Walthero* * *Seuciensi* Episcopo; ob reuerentiam, sanctæ & Individuæ Trinitatis, & præcipuè in honore sanctissimæ & DEI genitricis MARIÆ, quæ est vera PATRONA huius Ecclesiæ, & erit dedicatio dictæ Ecclesiæ omni anno, sequenti Dominica post vincula Beati Petri Apostoli. Notandum etiam, quod hæ sunt reliquiæ contentæ in summo altari, videlicet de sancta Cruce: de crinibus, de lacte, de peplo & veste Beatæ Mariæ Virginis. Reliquiæ Apostolorum Petri & Pauli, Andreae, Philippi, Iacobi, sanctorum Martyrum Stephani prothomartyris, Laurentij, Erasmi, Dionisij Episcoporum, Emerami, Episcopi, Mauriti. Reliquiæ Confessorum Siluestri Papæ, *Wolfgangi* Episcopi, sancti *Benedicti*, Antonij, Egidij Abbatibus. Colta sancti Nicolai & sanctæ Elisabethæ, Cecilie Virginis. De oleo sanctarum Virginum scilicet sanctæ Catharinæ & *Walburgis*, quatuor Virginum de numero vndecim millium Virginum, de Columna, ad quam Dominus ligatus est. De tribus lapidibus Domini nostri Iesu Christi scilicet Sepulchri, de lapide super quem Dominus mortuus est, de lapide super quem Dominus sedit quadraginta diebus in deserto, cum efuriit &c.

Hæ sunt Reliquiæ contentæ in dextro Altari, quod est consecratum in honore sancti Michaelis Archangeli omnium Angelorum, primò de ossibus Innocentium, Mauritiij Martyris, Ioannis & Pauli: de oleo Sancti Nicolai, Hieronymi presbyteris, Antonij Confessoris, Magni Confessoris, Catharinæ, Margarethæ, Cecilie Virginum: de ossibus Sanctæ Elizabethæ: Trium Virginum in munere vndecim millium Virginum, quarum vna vocatur Christina.